

新
編
作文材料精華錄

初編

分類故事精華錄

目錄

- (一) 人材
(二) 吏治
(三) 軍事
(四) 氣度
(五) 人事
(六) 言語
(七) 戒懼
(八) 知遇
(九) 節義
(十) 毀譽

- (一) 使才
(二) 政治
(三) 壽考
(四) 剛正奸邪
(五) 奮發立志
(六) 貧富
(七) 見識
(八) 品概
(九) 技術醫
(十) 倫理

奢儉
貴賤

貪廉

(二十一) 宗戚

(二十二) 師友

(二十三) 創造

(二十四) 疾病

(二十五) 愚拙

(二十六) 女子

(二十七) 高尚

(二十八) 音樂

(二十九) 勤學

人材

毛遂脫穎

自薦

平原君將合從於楚。約與食客門下二十人偕。得十九人。餘無可取者。門下有毛遂。自薦平原君曰。夫賢士之處世也。譬若錐之處囊中。其末立見。今先生處勝門下三年於此矣。左右未有所稱誦。是先生無所有也。遂曰。臣乃今日請處囊中耳。使遂蚤得處囊中。乃脫穎而出。非特其末見而已。平原傳

韓信國士無雙

韓信數與蕭何語。何奇之。信度何等已。數言於上。上不我用。即亡。何聞信亡。不及以聞。自追之。上罵曰。諸將亡者以十數。公無所追。追信何也。何曰。諸將易得耳。至如信者。國士無雙。王若欲長王漢中。無所事。信必欲爭天下。非信無可與計事。

者淮陰侯傳

孔明自比管樂

諸葛亮寓居隆中。每自比管仲樂毅。與潁川徐庶。博陵崔州平相友善。蜀志本傳

伏龍鳳雛

識時務者為俊傑

劉先主在荊州。訪士於襄陽司馬徽。徽曰。儒生俗士豈識時務。識時務者在乎俊傑。此間自有伏龍鳳雛。先主問為誰。曰。諸葛孔明。龐士元也。蜀志

陳埧好名

陳埧。史彌遠之甥。上疏乞去君側之蠱惑。蓋指賈貴妃彌遠也。彌遠召謂曰。何謂好名。埧曰。好名孟子所不取。然求士於三代之上。惟恐其好名。求士於三代之下。惟恐其不好名耳。

宋史

陳蕃下榻

陳蕃為豫章太守。不接賓客。惟徐孺子來。特設一榻。去則懸之。後漢書徐穉傳。

光霽

黃魯直曰。周茂叔人品甚高。胸次灑落。如光風霽月。綱目。

老子猶龍

孔子見老子。謂弟子曰。鳥吾知其能飛。魚吾知其能游。獸吾知其能走。至於龍。吾不能知其乘風雲而上天。吾今見老子。其猶龍乎。史老子傳。

春柳

王恭美姿儀。人多愛悅。或目之曰。濯濯如春月柳。晉史。

陳平分社肉

陳平微時里中社。平為宰。分肉甚均。父老曰。善。陳孺子之為宰。平曰。嗟乎。使平得宰天下。亦如是肉矣。史記

謝安東山。斯人不出。如蒼生何。

晉謝安隱居東山。諸人每相與言。安石不出。若蒼生何。每遊賞。必以妓女從。既累辟不就。簡文帝曰。安既與人同樂。不得。不與人同憂。晉史

帝賚良弼。版築傅巖。

殷高宗恭默思道。夢帝賚良弼。乃審厥象。俾以形旁求於天下。說築傅巖之野。惟肖。爰立作相。說命

呂蒙正夾袋中人材

呂蒙正為相。夾袋中有冊子。每四方人謁見。必問其有何人。

才。隨即疏之朝廷。求賢探之囊中。宋史

安劉必勃

漢高祖疾甚。呂后問陛下百歲後。蕭相國死。誰代之。曰。曹參。其次曰。王陵。然少戇。陳平可以助之。平智有餘。然難獨任。周勃厚重少文。然安劉氏者。必勃也。史記

襪綫之才

偽蜀韓昭。仕為禮部尚書。琴棋書算射法。悉皆涉獵。李台穀曰。韓八座藝。如折襪綫。無一條長。北夢瑣言

黃金臺

燕昭王。嘗築高臺。置金於其上。以延天下士。述異記

下駟

以劣馬自喻也

孫子謂田忌曰。以君之下駟。與彼上駟。取君上駟。與彼中駟。

取君中駟與彼下駟。史記孫子傳

使才

皇華

皇皇者華。于彼原隰。駉駉征夫。每懷靡及。此遺使臣之詩也。

蘇武嚙雪

漢武帝遣中郎將蘇武使匈奴。單于欲降之。不屈。乃幽武置大窖中。絕不飲食。天雨雪。武嚙雪咽氊。數日不死。匈奴以為神。乃徙武北海無人處。使牧羝。曰。羝乳乃得歸。別其官屬常惠等。各置他所。本傳

相如完璧

趙王得楚和氏璧。秦昭王欲之。請易以十五城。趙王以問藺相如。相如對曰。秦以城求璧。而王不許。曲在秦矣。我與之璧。而秦不與我城。則曲在秦。臣願奉璧而往。使秦城不入。臣請

完璧而歸。相如至秦。秦王無意償趙城。相如乃給秦王。復取璧。遣使者懷歸趙。而以身待命於秦。秦賢而歸之。趙王以相如為上大夫。史記

晏嬰狗門

齊晏子短使楚楚。楚為小門。而延晏子。晏子曰。使狗國者。從狗門而入。臣使楚。不當從狗門入。晏子春秋

張騫使西域

漢張騫使西域。得大蒜。葡萄。苜蓿以歸。王逸子

郝經雁帛書

宋咸淳癸酉。元使郝經被留直州。已十五年。時有以生雁饋者。經因作詩。以帛書云。零落風高。縱所如。歸期回首。是春初。上林天子。援弓繳。窮海累臣。有帛書。署年月。姓名。繫雁足。縱

之。是年十二月。伯顏師渡大江。明年二月。賈似道懼命。總管段祐送經歸國。二月。虞人始獲雁於汴梁金明池。郝經傳。

唐睢不辱使命

安陵君使唐睢使於秦。秦王謂唐睢曰。寡人以五百里之地。易安陵。安陵君不聽。寡人何也。對曰。安陵君受地於先王而守之。雖千里不敢易也。豈直五百里哉。秦王怫然怒曰。公亦聞天子之怒乎。天子之怒。伏屍百萬。流血千里。唐睢曰。大王嘗聞布衣之怒乎。秦王曰。布衣之怒。亦免冠徒跣。以頭搶地耳。唐睢曰。此庸夫之怒也。夫專諸之刺王僚也。彗星襲月。鼎。政之刺韓累也。白虹貫月。要離之刺慶忌也。蒼鷹擊於殿上。此三子皆布衣之士也。懷怒未發。休祿降於天。與臣而將四矣。若士必怒。伏屍二人。流血五步。天下縞素。今日是也。挺劍。

而起秦王色撓長跪而謝之曰先生坐何至於此寡人喻矣
國策

史治

文翁化蜀

漢文翁為蜀郡守。設學館。立學官。由是大化。學京師者比齊魯焉。天下並立學校。自文翁始也。漢書

廣漢詬箚

漢趙廣漢為潁川太守。設詬箚。受吏民投書。使相告訴。姦黨散落。漢書

劉寬蒲鞭示罰

後漢劉寬為南陽太守。典歷三郡。溫仁多恕。吏人有過。但用蒲鞭罰之。示辱而已。漢書

廉范五袴歌

後漢廉范為蜀郡太守。成都邑守偏窄。舊制禁民夜作。以防

火。范乃削毀先令。但嚴使儲水而已。百姓以為便。歌之曰。廉叔度來何暮。不禁火。民安作。昔無襦。今五袴。漢書

奉揚仁風

晉袁宏為東陽郡守。謝安贈扇一柄。宏曰。當奉揚仁風。慰彼黎庶。晉史

子產製錦

子皮欲使尹何為政。子產曰。不可。子有美錦。不使學製焉。大官大邑。身之所庇也。而使學者製焉。其為美錦。不亦多乎。僑聞之。學而後入政。未聞以政學者也。左傳

召父杜母

後漢杜詩。遷南陽太守。政治清平。人方召信臣。南陽謂之語曰。前有召父。後有杜母。後漢書

漢文察吏

漢文帝時。河南守吳公。治平為天下第一。召以為廷尉。漢書

趙抃琴鶴

宋趙抃為成都守。政尚清簡。英宗召曰。聞卿匹马入蜀。以一
琴一鶴自隨。何其介也。宋史

陸績載石

三國吳陸績為鬱林太守。歸日舟輕不可渡海。載石壓之。人
稱其賢。號鬱林石。吳志

陽城撫字

唐陽城。左遷道州御史。治民如治家。州之賦稅不登。觀察使
讓之。城自署其考曰。撫字心勞。催科政拙。考下下。唐書

強項吏

後漢世祖時。董宣為洛陽令。湖陽公主蒼頭白石殺人。宣格殺之。主訴帝。帝令宣叩頭謝主。宣不從。強使頓之。宣兩手據地。終不肯俯。因敕強項令出。賜錢三十萬。漢書

龐士元非百里才

龐統為耒陽令。不治。免官。魯肅遺書先主曰。龐士元非百里才。使處治中別駕之任。始展其驥足耳。三國志

潘岳花縣

潘岳為河陽令。樹桃李。人號曰河陽一縣花。

子路三善

子路治蒲三年。孔子過之。入其境。比至庭。三稱善。子貢執轡而問曰。夫子未見由之政。而三稱其善。可得聞乎。孔子曰。吾見其政矣。入其境。田疇盡易。草萊甚辟。溝洫深治。比其恭敬。